

客入自與八擔水腳銀船主領之謂之公司船主之子弟親戚謂之親丁其主客飲食者曰小公司職繁
 日總管賬曰財副舵工上海至廈門謂之大公廈門至西洋謂之夥長公管眾弟兄為押班在船各司
 其事俱非井有條舟至洋山公司具三牲獻神至普陀以清香茶果齋供眾客遙拜焚金紙至廈門公司
 獻供天后至華香交界公司送彩船眾客助金紙晚做好事眾客助金紙近西洋眾客捐看山銀或洋錢
 一圓或二圓至頭山堆做好事眾客助金紙至雞嶼口雞嶼山在呂宋海口平夷總五約十餘里東西有兩口東口連船進出口廣海中石觀音一尊在雞嶼山北脚水中塊石結成寶相宛如香公司齋供眾船及喉暗脚諸夷船進出口
 客焚金紙返棹亦如之舟泊口外即有汛兵到及進口泊即有番官到二三次集點人數謂之驗疤瘧以後船主入城見番王亦用擡手舉帽禮遵其俗也洋船之棧房名曰土庫將貨物逐件點明估價消貨後公司抽分客銀加二三五走過羅去貨無關稅即於抽分內拔十分之六管稅務者曰土庫官初客人於上海登舟須備順風紙金紙費不過洋錢一圓或錢四五百文金漆而桶一隻小五茶壺一把茶盃一隻酒盃四隻茶葉二筋菸三四包於呂宋上岸檢衣箱中一二包菸番人聽留多則恐販賣遂取去至開船時仍交還以本國菸酒俱設禁嚴唐人私帶搜得則沒入官也所售賣貨物船主事冗或多疎忽客伴中相好者可互相照應如初次到店家之好否亦可詢之客伴中出售之貨總無當收現銀七八日者即作現銀交易交銀偶有之耳每拜六日討賬往往其人他適則無可追尋凡客一千洋錢下船者派定裝二十幾擔回貨若要多裝向弟兄買擔位但水腳銀比公司略貴然惟布絨緞有擔位確貨物皆無之所買呂宋貨只有紅木烏木燕窩海參餘皆由別國來不可買燕窩蘇麻呂宋成湖白色者即名官燕俱呂宋出者名曰條菜燕窩之中至高者要現銀無賒欠故如去貨雖以布為主須帶禮貨乃易於變銀見彼貨可買即買之矣

南洋蠶測

顏斯綜著

南洋之間有萬里石塘俗名萬里長沙向無人居塘之南為大洋塘之東為閩洋夷船由外大洋向東望見臺灣山轉而北入粵洋歷老萬山由澳門入虎門皆以此塘分華夷中外之界唐船單薄舵工不諳天文惟憑弔鉞驗海底泥色定為何地故不能走外大洋塘之北為七洲洋夷人知七洲多暗石雖小船亦不樂走塘之西為白石口附近有一埠四面皆山一峽通進平原曠野頗有土人並無荷長產胡椒沙藤有唐人墳墓碑記梁朝年號及宋代咸淳或云此暹羅極東邊境十餘年前英吉利據此島名之曰星忌利坡召募開墾近聞已聚唐人雜番數萬閩粵之輕生往海外者冒風濤蹈覆溺而不顧良由生齒日眾地狹民稠故無室無家之人一往海外鮮回鄉者此島由外洋至粵十餘日由七洲洋至粵僅七八日近來英吉利甘心留粵一則恃南洋港腳諸番沿途俱有停泊二則恃星忌利坡離粵不遠彼國雖隔數萬里之遙今則無異鄰境此外海岸土瘠產稀如飛頭蠻等處雖常到不胥顧其志蓋欲扼此東西要津獨擅中華之利而制諸國之咽喉古今以兵力行商賈以割據為壟斷未有如英夷之甚者